

經
而
時
不
會

五
不

醫時六言卷之五

善化翁傳照少畦

奇

兵貴用奇其實庸事耳奇其形庸其理我可以奇其敵敵不可以奇我乃謂之奇不然從古至今何奇不經道破我謂之奇敵或庸視之矣吾不恃奇吾以言奇

或曰唐李荃有言號若嚴兵者其說曰兵猶水也水因器以制形兵因敵以制勝若能與敵變化而取勝者謂之神

武侯兵法心要節錄

兵猶水也制之不得其道是障之也敵猶火也撲之不得其道是薪之也

凡戰所謂奇者攻其無備出其不意也交戰之際驚前掩後衝東擊西使敵莫知所備如此則勝法曰敵虛則我必爲奇

劉伯溫百戰奇略

安人形把三個顏色各異用聲音響亮一人執一紅旂任其所指高叫射穿某顏色的人眾人一齊發矢俱中所指無不中者蓋賊有領眾頭目只殺射頭目一人自然敗奔矣此擒賊擒王法也

金湯十二籌

使善打鳥銃者認打頭領選鋒手十人攢打一人必中

然頭領多與眾賊妝成一樣不易認識須令能遠射者懸書於箭上寫謎語射至賊營賊眾拾起必送頭領觀看此時正好下手

金湯十二籌

張巡欲射尹子奇莫能辨因剡蒿爲矢中者喜謂巡矢盡走白子奇乃得其狀使南霽雲射之一發中左目幾獲子奇乃走

金湯十二籌

傳照幼誦擒賊先擒王句問塾師曰人人要想擒王王何不裝賊眾模樣師曰有之矣然則何法以擒之師不荅竊以爲疑年十七獲讀全書至此憶曾捧書起立心喜曰快事快事余嘗謂天地閒不可磨滅之

理人以學問閱歷而得余以竭精殫慮而得今而後
知人之取多用宏者事半功倍也益自悲余之少學
其陋宜矣

令狐潮圍雍邱城中矢盡巡縛蒿爲人披血衣夜縋城
下潮兵爭射之得矢數十萬

金湯十二籌

從古資敵之事多誤於無備未有備如此之急若資
之惟恐不多者戰士心定則無恐無恐則能審審之
一字智如將軍愚如走卒可忽乎哉

凡賊來遇嚴冬之時相度陂塘城岸高低令軍士灌水
乘寒結冰使其滑溜賊不得趨馬不得騁又可灌水凍

沙爲營塹曹操嘗用之

金湯十二籌

余讀兵書有城滑不能上五字因以悟守城之宜讀
守城諸書因以信趙宋之城汴都不欲方直之議凍
沙爲營塹易事耳何物阿瞞乃解用此全書中有云
冰雪凝結可鑿爲砲余初疑之繼思砲本作礮古以
機發石乃有此義今以火又何不可以冰若得審氣
候精算法輩一試之沙漠苦寒之地遠熱藥綫頻審
天時是天助也

北魏攻宋虎牢作地道以洩城中井水人馬渴乏破之
金湯十二籌

明形勢者必能辨地理地有理卽有脈

北魏梓潼太守金苟龍妻武氏率民登城拒梁兵之攻
井在城外無水會天大雨武氏命取公私布絹衣服懸
之復取水而儲之梁兵退

金湯十二籌

婦人之見乃能如是

冷業進兵屯朗口命許德勛拒之使善水者五十人以
樹葉覆其首將長刀浮江而下夜焚其營軍中驚擾德
勛以大軍進攻大破之淮南兵圍蘇州蘇州水多通城
中淮南將張網懸鈴於水中魚鼈過皆知之吳越將司
馬福欲潛入城以竿觸網敵聞鈴聲舉網福得過入城

山是城中號令故與援兵相應敵以爲神

施山公心略

節錄

明將廖永忠攻蜀蜀人設鐵索飛橋據關口忠令兵士皆蓑衣魚貫出崖石間蜀人不覺惟大學問人乃能先覺惟真閱歷人乃能見機

大清兵旣渡河疾趨瓜揚用大礮擊破揚城四鎮皆坐視不援閣部史可法參謀鳳儀死難焉謀渡江慮鎮江多設礮夜取大桌數千四足縛油浸蘆葦焚火投江順風而南隔岸望之若萬艘渡江遂聚礮亂擊殆盡大清兵盡從上流暗渡直搗南郡

施山公心略

傳照嘗聞古老云咸同間粵賊敗遁欲沮追師乃繫
瞽者執鼓賊去猶執不休以竹管罩香火挂林木間
經雨不熄又聞有縛羊足於鼓者此皆髻齒時所聞
不復能實其事我朝入關俊傑景從史忠正之敗
亦猶文信國之固不知兵耳礮險如此施火桌之計
而渡之天兵其神乎南朝真無人矣

宋順昌受圍四日金兵益甚劉錡遣驍將閻充募壯士
五百人夜砍其營是夕天欲雨電光四起見辮髮者殲
之金兵復退十五里錡復募百人以往或請銜枚錡笑
曰無以枚也常折竹爲器如市兒以爲戲者人持一以

爲號直犯金營電起則皆奮起電滅則匿不動敵眾太
亂百人者聞吹聲而集金兵不能測終夜自戰積尸盈
野

金湯十二籌

昔有挿柳以爲號者脫帽以別軍者應變如神然不
過笑談間事

兵法曰日戰多旌旂夜戰多火鼓所以變人之耳目也
或曰夜黑之候必無與敵列陣剋期而戰若但襲敵之
營鳴鼓燃火適足以助敵人之耳目於我反害其義安
在曰此孫武之微旨也

武侯兵法心要

凡與敵夜戰須多用火鼓所以變亂敵之耳目使其下

知所以備我之計則勝法曰夜戰多火鼓

劉伯溫百戰

奇略

春秋越伐吳吳人禦之笠澤夾水而陣越爲左右二軍使夜或左或右鼓譟而進吳分兵以禦之越爲中軍潛涉當吳中軍而鼓之吳師大亂遂敗之

劉伯溫百戰奇

略

西法每戰必惜氣力未嘗久戰尤不嘗夜戰吾欲擬

一更番鑿戰之法夜以繼日虛設火鼓誤其電燈自

來火之明暗施煙霧

五色煙五里霧製詳後

損其千里鏡之用

持之以久足以困之出其不意足以敗之若隨機應

變因敵制勝是在神而明之者必拘拘前法則又自困自敗矣

魏伐趙圍邯鄲齊威王謀救趙乃使田忌爲將孫子爲帥忌欲引兵之趙孫子曰夫解襍亂紛糾者不空拳救門者不搏搢批元搗虛形格勢禁則自爲解耳今梁之輕兵銳卒竭於外而老弱疲於內若引兵急走其都彼必釋趙而自救是我一舉解趙之圍而收弊於魏也忌從之魏師還與齊戰於桂陵魏師大敗

金湯十二籌

盍觀門乎待作勢而門者心慌於門也勇於門者一拳一足卽致人於死若夫奮空拳以解襍亂紛糾者

猶曰徒費氣力也乃搏擲救門自傷其手爲可痛耳
君子曰仁者必有勇

以火佐攻者明以水佐攻者強此中國長技也善用兵
者火不必盡焚水不必盡溺也兵力不敵乃假水火以
亂之使敵人自救而吾以兵隨其後則彼無鬥心而吾
自備矣

施山公心略

今年春余運軍火泊滬之黃浦江潮落舟膠余因公
登岸忽傳舟警亟馳車出江口但見江岸皆火舟子
謂爲已舟無疑也余初未嘗不駭念若僅焚軍火則
回蘇候叅處而已禍若我肇則界連中外殃及人民

非身殉心何以安主意既定舍車而徒健於平時數
倍途中念此刻舟人僕子不知是何光景我又是天
地何等不足輕重之人初出山卽堪病蒼生至於如
此予初固不欲出而天公竟安排如此恰好念至此
復自竊曰念止此矣人每轉念誤事時江岸昏黑火
光燭天狂風怒號人聲鼎沸心知距火不遠眼前尙
不見掌覺平日心嚮古人近如中興之諡忠與烈者
厯厯在目生平未嘗見鬼疑人之死當是如是惡人
則鬼亦惡善人則鬼亦善理不我欺也行近舟始知
江岸火風撲余舟勢危甚僕子牽舟子以水蘸舟篷

復溼布帆罩篷上得無恙皆余僱舟時重其值而豫約者也是役也岸上焚將千椽河船亦數十艘余舟極笨重且淺擱幸得不與余益信兵家之訓練宜豫約束宜嚴賞罰必信施山公所謂假水火以亂之尤爲可味也

火攻之法上順天時下因地利曠野平邊遠擊者勝

用遠

器擊之先

摧其鋒 蔽林隘道夾擊者勝

用火器夾擊則首尾不顧

漫坡盤谷

埋擊者勝

先埋神器俟賊人奔而發

長江大河迎擊者勝

用法器順風迎面而

擊之 憑高擊下其勢順用重器猛火以壓之

如山上海上等地以地勢

爲重 以下擊上其勢逆用銃器烈火以噴之

如山下城下等地以地勢

爲彼此皆有火器卒然而遇不及成陣其勢易亂用遠
器先擊者勝彼此俱用火攻陣成而戰未彼此皆扎營
寨欲劫輜糧先觀伏路其勢易疑用號旂四擊者必勝
乘風高月黑之夜先看伏路埋伏精兵勝則掩殺敗則
應援使奸細入營舉火四圍用礮石攻之各以號頭爲
約號响則火齊發火發則兵起四城中擊外當攻其堅
擊之使賊不敢出而內自相殺也
擇堅處用神器攻之擇瑕處用神城外擊內當攻其瑕擇瑕處用神
其堅一破其圍自解城內當攻其瑕擇瑕處用神
必火戰必先上風火隨風勢風順則圍器利於煙障煙障
破火戰必先上風火隨風勢風順則圍器利於煙障煙障
謂火煙藥障塞賊咽喉撲賊眼目使篷帆必以藥製使
一物不可見一技不能施破之必矣
不沾染風煙此火攻之上策也苟不辨地利而用之未
有不敗
施山公心略

火攻之法以風爲勢風猛則火烈火熾則風生風火相

搏斯能取勝故爲將者當知風候以月行之度準之月

行於箕

在天十度

軫

在天十度

張

在天十度

翼

在天十度

四星則

不出三日必有大風數日方止仰觀星宿光搖不定必

有大風終日不止黑雲夜蔽斗口風雨交作

雲自北方起者風大

黑雲飛塞天河大風數日

雲如猪形者名天豕渡河

月暈而青色數

圍必風無雨

青主風黑主雨

日沒紫黑雲相接如飛來日風作

風來十里揚塵動葉風作百里吹沙飄瓦風來千里力

能走石風來萬里力能拔木知天之時而善用之斯百

戰而百勝矣

施山公心略節錄